

❖ ARLING PANLIPUNAN 2 ❖

I-Isulat letra ng tamang sagot.

1. Sino ang higit na makapagbibigay ng impormasyon tungkol sa naganap na mga pagbabago sa komunidad?

- A. nakababatang kapatid
- B. kamag-aral
- C. dayo
- D. nakatatanda

2. Paano mo mailalarawan ang komunidad noon?

- A. Malalaki ang mga gusali.
- B. Maraming tao na ang naninirahan.
- C. Malalawak na lupain ang sakop ng mga pabrika.
- D. Pagsasaka at paghahayupan ang hanapbuhay ng mga tao.

3. Patuloy ang pagbabago ng kapaligiran ng ating kinabibilangang komunidad. Alin sa mga sumusunod ang nagsasabi ng halimbawa nito?

- A. Pagtatanim lamang ang hanapbuhay ng taong naninirahan dito.
- B. Marami ng mga tao ang may sariling sasakyan.
- C. Sa itaas ng puno pa naninirahan ang mga tao.
- D. Nanatiling lubak-lubak ang mga daan.

4. Alin sa mga katangiang ito ang dapat ipakita ng mga tao kaugnay ng pananatili o hindi pagbabago ng mga bagay sa ating komunidad?

- A. pagmamahal
- B. pagpapahalaga
- C. pagmamalaki
- D. lahat ng nabanggit

5. Ano ang dapat gawin sa mga bagay na nanatili sa ating komunidad?

- A. Palitan ng mas maganda.
- B. Ingatan, alagaan at ipagmalaki.
- C. Bigyan ng pansin tuwing may okasyon.
- D. Pabayaang hanggang masira.

II-Isulat ang tsek (✓) kung ang pangungusap ay tumutukoy ng tama tungkol sa komunidad at ekis (✕) kung hindi.

____ 1. Ang komunidad ay tumutukoy sa pangkat ng mga namumuhay nang sama-sama sa isang tiyak na lokasyon at nakikibahagi sa uri ng pamumuhay, kultura at interaksyon.

____ 2. Ang populasyon ay tumutukoy sa bilang ng mga taong 'naninirahan sa komunidad.

____ 3. Ang mga tao sa isang komunidad ay gumagamit ng iisang wika lamang.

____ 4. Ang paaralan, simbahan, parke, ospital, palengke at barangay hall ang bumubuo sa komunidad.

____ 5. Ang bawat komunidad ay walang tiyak na lokasyon.

III-Isulat sa iyong sagutang papel ang masayang mukha 😊 kung sang-ayon ka sa isinasaad ng pangungusap at malungkot na mukha ☹ naman kung hindi ka sumasang-ayon.

- ____ 1. Bawat komunidad ay may pangalan.
- ____ 2. May kuwentong pinagmulan ang bawat pangalan ng komunidad.
- ____ 3. Hindi na mahalagang malaman pa ang kasaysayan ng komunidad.
- ____ 4. Maaring makakalap ng impormasyon tungkol sa komunidad sa pakikinig ng
kuwento ng mga nakatatanda sa komunidad.
- ____ 5. Hindi isinasali sa kasaysayan ang pinagmulan ng pangalan ng isang komunidad.

IV-Bilugan ang T kung ito ang mga pagbabagong nagaganap sa isang komunidad at M kung hindi.

- | | | |
|----------|----------|---|
| T | M | 1. Ang mga bahay na kubo o yari sa kawayan ay napalitan na at naging mga kongkreto. |
| T | M | 2. Nananatili pa rin ang mga tulay na kawayan. |
| T | M | 3. Ang ilan sa mga bukirin ay naging mga establisimento na. |
| T | M | 4. Sariwang-sariwa pa rin ang mga ilog sa paligid. |
| T | M | 5. Mayroon ding nananatili pa hanggang sa kasalukuyan tulad ng talon, dagat, kapatagan at iba pa. |